
RESOLUCIÓN REITORAL, DO 9 DE XUÑO DE 2020, SOBRE O MANEXO DE INFORMACIÓN CLASIFICADA CO GRAO DE «DIFUSIÓN LIMITADA OU EQUIVALENTE» NA UNIVERSIDADE DE VIGO

Á vista de que o acceso á información clasificada no ámbito do Estado queda limitado por lei e se debe rexer pola súa propia normativa que, actualmente e a maior nivel, está constituída pola Lei 9/1968, modificada pola Lei 48/78, sobre segredos oficiais, e o seu decreto de desenvolvemento 242/1969.

De acordo coa Lei 24/2011, do 1 de agosto, de contratos do sector público nos ámbitos da defensa e da seguridade, que esixe que as entidades que vaian acceder á información clasificada haberán de rexerse polas disposicións que dite a Autoridade Nacional para a Seguridade da Información Clasificada.

Segundo as normas da Autoridade Nacional para a Protección da Información Clasificada que constitúen o desenvolvemento normativo co que se regula o manexo da información clasificada en España.

Á vista da participación da Universidade de Vigo en proxectos e en contratos de I+D+i de ámbito autonómico, nacional ou internacional, nos que se precisa manexar información clasificada co grao de «difusión limitada ou equivalente».

E seguindo as orientacións para o manexo da información clasificada co grao de difusión limitada ou equivalente (OR-ASIP-04-01.05), emitidas pola Oficina Nacional de Seguridade,

ESTA REITORÍA RESOLVE

Primeiro

Que o manexo e a custodia da información clasificada co grao de «difusión limitada ou equivalente» implicará na Universidade de Vigo:

- A. Unha persoa responsable da seguridade encargada do cumprimento das medidas de seguridade, do control da información e de instruír e de autorizar o persoal que teña que acceder a esta.
- B. Unha zona administrativa de protección (ZAP), conforme á norma NS/03, sobre a seguridade física, que estará localizada no centro de protección de datos (CPD) da biblioteca central da Universidade de Vigo.
- C. Un procedemento para autorizar e instruír o persoal que necesite acceder á información clasificada co grao de «difusión limitada ou equivalente», que consistirá en:
 1. A comunicación da persoa interesada, mediante un correo electrónico, á persoa responsable da seguridade ou á persoa suplente; neste facilitarase a información detallada sobre o proxecto ou o contrato de I+D que conteña información clasificada de grao de «difusión limitada ou equivalente», ao que se achegará unha declaración de «Necesidade de coñecer», segundo o modelo do anexo I.
 2. A información, por parte da persoa responsable da seguridade ou da persoa suplente, de xeito presencial ou en liña, sobre as medidas de seguridade que se deben observar, consideradas nas orientacións para o manexo da información clasificada con grao de difusión limitada ou equivalente (OR-ASIP-04-01.05), emitidas pola Oficina Nacional de Seguridade, que concluirá co certificado da realización da instrución por parte da persoa responsable da seguridade ou a persoa suplente, segundo o modelo do anexo II.
 3. A declaración da persoa interesada de recibir a instrución e de facerse responsable da protección da información á que terá acceso, de acordo co modelo do anexo III.

Segundo

Nomear como responsable titular de seguridade a José Juan Pazos Arias, con DNI 35 444 791 C, e como responsable suplente a Rodrigo Cerviño Rodríguez, con DNI 53 111 0964 P.

Terceiro

Difundir esta resolución para toda a comunidade universitaria e publicala na web institucional.

Contra a presente resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses contados dende o día seguinte á recepción da presente resolución, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

As persoas interesadas poderán optar por interpoñer contra esta resolución un recurso de reposición, no prazo dun mes contado a partir do día seguinte á recepción da presente resolución, perante o mesmo órgano que a ditou. Neste caso non se poderá interpoñer ningún recurso contencioso-administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

Vigo, 9 de xuño de 2020

Manuel Joaquín Reigosa Roger
Reitor da Universidade de Vigo

Anexo. Modelo de certificado de instrución e de compromiso de reserva

O responsable de Seguridade da Universidade de Vigo, José Juan Pazos Arias,

CERTIFICO:

Que os datos contidos no documento de identidade en vigor da persoa interesada (fotografía, sinatura, número de documento, nome e apelidos) se corresponden cos reflectidos na parte inferior deste impreso. Así mesmo, declaro impartirle a instrución á persoa interesada sobre os compromisos e as obrigas que adquire ao acceder á información clasificada co grao de «difusión limitada ou equivalente».

E para que así conste, asina o presente certificado.
Vigo, XXXXXXXX de XXXX de 2020

_____ con documento de identidade número
XXXXXXXXXX, do grupo de investigación/departamento/centro/servizo/oficina

DECLARO:

Que me comprometo a manter a debida reserva e a non revelar ningunha información clasificada á que puidese ter, ou tivese, acceso con motivo do cumprimento das súas obrigas ou por outro motivo calquera, e que son consciente de que o citado deber de reserva manterase vixente de forma permanente. Así mesmo, declaro que comprendo perfectamente e coñezo as responsabilidades penais e disciplinarias nas que puidese incorrer pola divulgación non autorizada desta clase de información, sexa voluntariamente ou por negligencia, por acción ou por omisión, ao abeiro das disposicións legais e administrativas vixentes.

E para que conste e produza os debidos efectos ante a autoridade competente para resolver calquera incumprimento, asino esta declaración.

....., de.....de 20.....
Sinatura da persoa interesada